



Aningaasaqarnermut Naalackersuisoq

Ulloq: 18. december 2020
J.nr.: 01.31.06/20-00909

Aningaasaqarnermut Akileraartarnermullu Ataatsimiititaliap pingasunngornermi ulloq 16. december aalajangiineranik Naalackersuisunut ilisimatitsineq.

Aningaasaqarnermut Akileraartarnermullu Ataatsimiititaliap Kalaallit Nunaanni Aalisarsinnaanermut Akuersissutinik Nakkutilliisoqarfimmut nakkutilliinermi angallat (KANUAANA) nutaaq pillugu apeqqutaanut akissut. – IA suliaq nr. 20 – 00909.

” Naalackersuisut **inassutigaaat**:

- Kontu pingaarnermi 85.90.01 Kalaallit Nunaanni Aalisarsinnaanermut Akuersissutinik Nakkutilliisoqarfimmut nakkutilliinermi angallat nutaamik suliniut nutaaq normu 060.61.004 Kalaallit Nunaanni Aalisarsinnaanermut Akuersissutinik Nakkutilliisoqarfimmut nakkutilliinermi angallat nutaaq, 1 million kr.-nik aningaasaliiffigineqassasut, aamma suliniut nutaamik normu 996.61.005 Nutaamik sanaartukkat nutarterinerillu, 24 million kr.-nik aningaasaliiffigineqassasut, aamma
- kontumi pingaarnermi 80.00.10 Sanaartugassanut Iluarsagassanullu Aningaasaateqarfimmit utertitat, aningaasaliissutit 2020-imi 14,6 mio. koruuninik ikilisinneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqu-taalu:

Ilassutitut aningaasaliissuteqarnissamik qinnuteqarnermut taarsiullugu qinnuteqaat matumani pineqartoq 2021-mi aningaasanut inatsimmut ilanngunneqarsimasariaqaraluartoq Aningaasaqarnermut Akileraartarnermullu Ataatsimiititaliamit aallarniutigalugu oqaatigineqassaaq. Tamatuma saniatigut inassuteqaammut ataatsimiititaliaq ima oqaaseqatissaqarpoq:

Isorartorsuarmik sineriaqarnini pissutigalugu Kalaallit Nunaanni nunatsinni sumiinneq apeqqutaatillugu angalaniarnikkut pissutsit assigiinngillat. Taamaattumillu sumiiffik apeqqutaatillugu angallatit nakkutilliissutit pisariaqartinneqartut assigiinngissinnaanerat naatsorsuutigineqartariaqarpoq. Nakkutilliissutitut angallammut qinnutigineqartumut aningaasaliissutit pisariaqartitsinivimmut kiisalu angallatip qinnutigineqartup iluaqutaassuseqarnissaanik matussusiinersut inassuteqaammi kiisalu ataatsimiititaliap apeqqutaanut akissummi tamakkiisumik qulaarneqanngitsut ataatsimiititaliaq isumaqarpoq. Matumanilu aamma oqaatigineqassaaq nunap immikkoortuini aalajangersimasuni pisariaqartitsineq angallatinit mikinerusunit ilimanarmat matussuserneqarsinnaasoq.

Taamaattumillu angallatinik nakkutilliissutinik pisariaqartitsineq pillugu pilersaarummik tamakkiinerusumik suliaqarnissaq aammalu taassuma 2022-mi aningaasanut inatsisissatut

siunnersuutip isumaqatigiinniutigineqarneranut ilanngunneqarnissaa Naalakkersuisunut inassutigineqarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **itigartinneqarput.**

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua